

新刊國朝二百家名賢文粹

新刊 國朝一百家名賢文粹卷第七

論著

歷代人臣三 西漢

司馬遷論

賢節先生

古今異情而千世之傳難以考故遠舉者常失於迂誕而不經
治亂殊世而當時之變得以揆故近取者每怪其簡脫疎悟而
不能周也論者之士雖以記錄爲功而精裁銓擇足以標準於
後信以傳信疑以傳疑徑取科摘務存梗槩而已三五之代不
得而詳其文闕陋備舛固缺不幾於太略歟所書之事得一二
於十百無足怪也所聞異辭所見異辭摺撫而備錄牽籠而博
採參較異同類聚區分而編次紬繹宜其囊括而無遺故秦漢
而下條貫有倫燦然可觀不幾於太詳歟耳目所接則緇銖無
藝無足怪也此不知而作成於闕文整齊故事則不若博物洽
聞之爲愈歟司馬遷之書略推三代之而每詳秦漢固宜言之

矣可得而論也以區區之秦散從解約以東攬雄諸侯見信威
於天下歟手而事者常恐其後游說之士憑軾而西嚮圖一統
之業不爲易矣矜武任力以暴虐始禍二世而亡推而言以古
宜詳於此也以成卒散亡之衆徒手奮呼群起而亡秦高祖撥
亂誅暴仗義約法股肱蕭曹腹心良平八牙信布薦馭英雄用
三傑以屈群策八年之間鋒鏑之所交權智之所用酈生騁縱
橫之辯陸賈述存亡之語婁敬建萬世之安叔孫新一時之制
興王之迹原始要終業巨而事叢矣推而言之者宜詳於此也
秦并海內識其詳者戰國策漢定天下識其詳者楚漢春秋至
於高祖知馬上得之而不可以治也著秦之所以失見吾之所
以得者新語漢之爲漢且十載故老流俗尚能言之討論遺
編放失舊聞筆削所採網羅貫穿宜無脫略之累與夫馳騁古
今上下數千載勤苦而僅得者功相萬也賈誼之徒惜秦喻漢
可謂詳悉輟毫洒牘無所施其能則繁瑣而發明者無幾兼傳

車探禹穴復何爲哉者不可之典垂將來之法隱顯必該此纖靡失若鴈行魚貫舉一而可尋固非凌駕前作而直取骨髓也明統業於帝紀叙勛庸於世家標智能於列傳謹歲月於年表譜謀之損益詳於本形勢之強弱詳其得失大而禮樂律歷詳於沿革小而平準河渠詳於利害天官詳於推文而考應封禪詳於儲福而薦成國祚世務具備於方冊之中包舉大端特振於宏綱委曲細事不遺於纖芥以不羈之士少露鋒穎而好奇多愛致疑於取舍之間則秦漢之事豈再詳焉可也文景已前隨世衰撥簡不及漏可得而詳大初之後闕而不錄善惡汨汨有所未盡書景之失譏武之過不少假借使後世或謂武帝不誅馬遷得傳謗書於後然本紀卒至湮沒而不行不可得而詳又如此也然魯之二生商之四皓有司書之實難見他傳多殘缺謂嘗從征伐詳知楚漢之事者周勃爾考其始終曾無少聞所可詳者或疑於略也按倖之細刺客之靡猶有眉焉道

其所長而冰炭之譏。應璩之罵。彈詠之歌。留侯之若婦人。女子
項羽之重瞳。取不爲益。去不爲損。與夫鄴生之見高祖。刊落未
盡。頗無相因。所可略者。又疑於煩也。立言記事。斟酌是非。以權
與作者。而因淺仍俗。不可勝數。以優之博。極群書才。稱良史而
尚爾耶。然採放遺逸。摠括緒餘。考其文質。而不俚。撰其論辯。而
不華。張輔嘗謂其以五十萬言書三千年事。以爲固不如遷。又
不知捨秦漢而觀。則所存固其略也。切謂孔聖之書。昭襄而降。
載其行事。每詳於宣成之前。謂隨聞見而成傳。自宜如此。至定
哀之間。多微辭。則雖其詳。且不可得。馬遷所以詳近而言者。捨
秦漢將安書乎。

司馬遷論上

宛丘先生

司馬遷作伯夷傳。言非公正不發憤。而遇禍災。此特遷自言。爲
李陵辨。而武帝刑之耳。論管晏之事。則於晏子獨曰。便是晏子而
在。雖執鞭所忻慕。馬遷之爲是言者。蓋晏子出越石父於縲紲。

而方遷被刑漢之公卿無為遷言故於晏子致意焉且方李陵之降其為漢與否未可知而遷獨激昂不顧出力辨之如此幾於愚乎與夫時然後言片言解紛者異矣不知其失而惑天道之是非何哉至怨時人之不援已於禍而拳拳於晏子遷亦淺矣

司馬遷論下

同前

司馬遷尚氣好俠有戰國豪士之餘風故其為書叙用兵氣節豪俠之士特詳其言侯嬴自殺以報魏公子而樊於期自殺以頭遺荆軻皆奇誕不近人情不足考信以嬴既進朱亥以報魏公子不自殺未害為信而樊於期自匿以求苟免尚安肯憤然劫以浮詞以首遺人哉此未必非燕丹殺之也余讀刺客傳頗愛曹沫豫讓之事沫有補其國而讓為不負其君然皆不合大義而庶幾所謂好勇者如聶政荆軻之事此特賤丈夫之雄耳余觀竇嬰田蚡灌夫之事故嬰為蚡皆庸人不孝其所立無可稱錄而灌天暑沾之人也鬪爭於酒食之間不啻若奴妾是皆

何足載之於書而遷序聶政荆軻寶嬰百蚡之事特詳反覆叙錄而不厭蓋其尚氣好俠爭投其所好故不知其言之不信而忘其事之為不足錄也

司馬遷論

桂海先生

班固贊司馬遷以為是非頗謬於聖人論大道則先黃老而後六經序游俠則退處士而進荻雄述貨殖則崇利勢而羞貧賤先黃老而後六經求古今措紳先生之論尚或有之至於退處士而進荻雄崇利勢而羞貧賤則非里閭至愚極陋之人不至是也孰謂遷之高才博洽而至於此乎以目觀之不然彼實有所見發激而去耳孟子曰仁者人也合而言之道也揚子亦曰道以導之德以得之仁以人之義以亘之礼以体之天也合則軍離則散蓋道德者仁義礼之大全而仁義礼者道德之一偏黃老之孝貴合而賤離故以道為本六經之教於經者略於散者詳故以仁義礼為用遷之論大道也先黃老而後六經豈非

有見於此而發哉方漢武用法深刻急於功利大臣一言不合輒下吏就誅有罪當刑得以貨自贖因而補官者有焉於是朝廷皆以偷合苟免為事而天下皆以竊貨殖為風遷之遭李陵禍也家貧無財贖自贖交遊莫救左右親近不為一言以陷厥刑其憤懣不平之氣無所發泄乃一切寓之於書故其序游俠也稱昔虞舜窮於井廩伊尹負於鼎俎傳說匿於傅品呂尚困於棘津夷吾桎梏百里飯牛仲尼阨于陳蔡蓋遷自況也又曰士窮窘得委命此豈非人所謂賢豪者邪誠鄉曲之笑與季次原憲此權量力効功於當世不同日而論矣蓋言當世號為修行仁義者皆畏避自保莫肯急於人之難曾匹夫之不若也其述貨殖也稱秦皇令烏氏倮比封君與例且朝請以巴蜀寡婦清為正婦而容之為築女懷清臺蓋以識孝武也又云諺曰千金之子不死於市非空言也蓋遷自傷砥節礪行特以貧故不免於刑戮也以此言退處士而進英雄崇勢利而賤貧賤豈非

有激而大哉彼班固不達其意遂以為是非頗謬於聖人亦已過矣然遷為人多愛不忍雖刺客滑稽佞幸之類猶屑屑然稱其所長況於黃老溝俠貨殖之事有見而發有激而害者其所稱道不能无溢美之言也若以春秋之法明善惡定邪正責之則非矣楊子曰太史公聖人將有取焉又曰多愛不忍子長也仲尼多愛愛義也子長多愛愛奇也夫惟所愛不主於義而主於奇則遷不為无過若以是非頗謬於聖人曷為乎有取也

子長游說

馬學士

余友蓋邦武嘗為余言司馬子長之文章有奇偉氣切有志於斯文也子其為說以贈我余請子長之文章不在書者每於書求之則終身不知其奇余有史記一部在天下名山大川壯麗可恠之即將為子司遊而歷覽之庶幾可以知此文矣子長正仁喜遊方少年自負之時足迹不肯一日休非直為景物役也將以盡天下之大觀以助吾氣然後止而為書於其書觀

之則其平生之所嘗遊者皆在焉南浮長淮游大江見狂瀾驚
波陰風怒號逼走而橫擊故其文奔放而浩漫望雲夢洞庭之
波彭蠡之瀦涵渾太虛呼吸方壑而不見介量故其文汪洋而
淵深見九嶷之芊緜巫山之嵯峨陽臺朝雲芙蓉樓臺煙態度無
定靡曼綽約春粧如濃秋飾如薄故文妍媚而鬱紆泛沅渡湘
吊夫人之魂悼妃子之恨竹上猶有班班而不知魚腹之骨尚
無恙者乎故其文感憤而傷激切過大梁之墟覩楚漢之戰場
想見項羽之喑鳴高帝之慢罵龍跳虎躍千兵萬馬大母長
俱遊而齊呼故其文雄勇猛健使人心悸而膽栗北登龍門念
神禹之鬼功西使巴蜀跨劍閣之鳥道上有摩雲之崖而不見
斧鑿之痕故其文軒絕峻拔而不可攀躋講業齊魯之郊覩夫
子之遺風鄉射鄒嶧彷徨乎汶陽洙泗之上故其文典重溫雅
有似乎正人君子之容兒凡天地之間萬物之變可驚可愕可
以悟心使人憂使人悲者子長盡取而為文章變化出沒如萬

兼供四時而無窮今於其書而觀之豈不信矣余謂欲學子長之爲文先學子長之游可也不知學游以採奇而欲操筆弄墨組綴府內熟者乃其常耳昔公孫善舞劍而學書者見之乃入於神庖丁氏善操刀而養生者學之方極其妙事固有殊類而相感者其意同故也今天下之絕蹤詭觀何以異於是子果能爲我遊者乎吾觀夫子醉把醖酒可以吞江南吳越之清風拂劍長嘯可以吸燕趙秦隴之勁氣然後歸而治文著書子畏子長乎子畏子乎不然斷編敗冊朝吟而暮誦之吾不知所得矣

司馬遷論

東萊先生

人不可以有不平之氣也有不平之氣必有矯枉過直之言言至於過直則其害有不可勝言者矣且人之所以矯枉者蓋欲使其直也今既過其直則吾之言先不直矣又何以責彼之不直乎切嘗譬之天下之輕重至於權而後定天下之長短至於

度而後定人之執權以罔市利者多以重爲輕而取它人之物則以斤爲兩以兩爲銖其失輕重之平世之所同患也今人之執度以罔市利者多以長爲短而取他人之物故以尺爲寸以寸爲分其失長短之平世之所同患也苟爲權之失其平則盡反其本矣今乃矯其輕以爲重以銖爲兩以兩爲斤雖輕重之不同其失權之平則一也苟以度爲失其平則盡反其本矣今乃矯其短以爲長以寸爲尺以尺爲丈雖長短之不同而失度之平則一也彼失於輕此失於重彼失於短此失於長雖殄滅之直五十步笑百步耳又何以大相過是故天下有一定之理君子有至平之言增之毫釐則太過損之毫釐則不及苟憤世嫉邪而爲矯枉過直之言則所矯之枉未息而過直之言先見矣老子之言芻狗欲矯封吝之弊也其弊不除而反生韓非之寡恩公羊之論無時欲矯畔亂之患也其患不除而反啓漢民之濫刑荀卿之殺詩書欲矯章句之習也其習不除而反開李

斯之坑儒欲去一害復召一害安在其爲善立言者邪昔司馬遷述史記自黃帝止於麟趾成一家之言其論大道先黃老而後六經所以矯漢氏之尚黃老也其序游俠退處士而進英雄所以矯群臣之齷齪也其述貨殖則崇勢利而卑貧賤所以激武帝之興利也蓋遷雖橫就刑戮處於汚俗之中困於心衡於慮損教之氣形於簡策故其言每過直而不自知焉及稽其流弊則自遷之先黃老而虛浮之說愈勝自遷之進英雄而閭里之姦愈熾自遷之崇勢利而貨賂之風愈熾彼何晏之清談步降之暴橫漢帝之黷亂皆遷有以啓之也始欲救弊終反生弊始欲正惠終反生惠善立言者果如是乎雖然遷之矯枉過直而未嘗不微見其意焉其叙傳固先黃老矣而又曰先人有言孔子卒有能紹而明之正易傳維春秋本意也其傳游俠固進英雄矣而又曰原憲獨行不合於世蔬食不厭四百餘年而弟子志之不倦所以見其進處士之本意也其傳貨殖固崇勢利

矣而又曰俗之所漸沒久矣雖戶談以眇論終不能化所以見其輕利勢之本意也還之意欲使孝者知向日之言乃吾一時矯枉過直之言尔當以今言為正然還同特見其本意以示孝者曷若言必慮其所終而無過直之害哉以是知君子之言誠不可苟也

公孫洪論

鄧中丞

漢四百年唯武昭宣之世得人為盛前史摠為之論而稱讚之然李蔡之人品當時目之下中楊敞之對客其妻与之參語蔡義之庸懦孝朝有老嫗之誚焉而卒李蔡位至三公楊敞蔡義以給事霍光幕府並至丞相其故何哉武昭宣非不求人也當時非乏賢也蓋平津取容非引李蔡無以見已之賢博陸持權非用楊敞蔡義則無以便已之私故遂汲黯罪董生殺主父而引李蔡則平津獨賢矣抑聖之黜魏相而相楊敞則博陸愈尊矣噫抑遠賢後蔽君耳目引不如已為自固之計此人君之利

非人主之益天下之福也故擇小臣者訪之大目可也擇大目而謀之大目必有不得其情者矣試請言其情夫利同者相忌勢均者相疑人目欲得其君則惡人之賢於已也欲使其私則惡人之度於已也欲匿其姦則惡人之察於已也故擇大目而謀之大目必有不得其情者矣此人君擇目之術也不可以不察也古語有云女入宮見妬士入朝見嫉昔晉武帝擇妹嬪御使楊后選之后揀出其美麗者獨取其長大者夫擇大目而謀之大目其蔽豈不近於此耶晏嬰齊之賢相也毀孔子而逐之臧武仲魯之名卿也忌展禽而廢之高氏匡氏鮑氏齊之大家也害穰苴而毀之公叔田文魏之忠目也嫉吳起而讒之此數目之情偽不可不知也噫鄙夫事君莫不有患得患失之憂手目得志亦不免矜功名彼我之心為人君者欲得才傑輔弼之目不能詢事考言深思獨斷而舉用之欲擇大目而謀於大目或亦不得其寶矣

仲舒言符命

東谿先生

董仲舒曰天之所大奉使之王者必有非人力所及至而自至者此受命之符也書曰白魚入于王舟有火復于王屋流為烏此蓋受命之符也東谿先生曰武帝問三代受命其符安在而仲舒對必有非人力所能致者謂之符乃引白魚流火之證是皆物之變化而非真符柳宗元作正符謂在德不在物又曰仲舒言災異者故以物化為符瑞

簡青論

死丘先生

自古中和深厚之士可以保富貴處功勲而不足於名高輕俠慷慨之士立可喜之行者可以為名高而多履危禍二者皆若有所不足然為可喜以取名者其技止此耳使為中和深厚必不可得而中和深厚之士其於取名驚世或者能之而有不為也司馬遷論李將軍之死曰知與不知皆為流涕論大將軍曰以柔媚于上其於天下未有稱也愚意李廣之所為實之所不

願而耻不足也。以青為奴虜庸人遭時幸會以取富世富貴者
耶則以黯不拜大將軍曰使大將軍有揖客顧不重耶青田此
益重黯李敢怨其父死至擊傷青青為譴不置青知揖之重於
拜權足以報敢而為諱之德田竇之事至絕口而不薦士不斬
蘇建使歸命天子言之如不使人意而其知時見遠皆中機會
青顧不能交灌夫籍福之歡而為決意斬伐者之所為耶凡此
類非庸人所能也。彼非庸人而為此則必有道矣而遽欲賢廣
而貶之不亦過哉。夫好名之士常鼓舞於壯銳可喜之節而不
使於持重遠見之士廣之所為天下之輕勇者好之其明者未
必善也。後世論郭子儀李光弼二人者未嘗不古子儀夫善勝
而有謀果敢而精銳是數者子儀皆若不及其寬緩仁愛寬老
魯鈍矣而卒過光弼者何也。子儀之所長子儀或未待是故
也。淮南王與伍被為反計而被獨稱大將軍以折之彼其伏計
死義則懼及黯用兵使勝則忌青然則為天下未有稱者又果

然哉

衛青不薦士

東溪先生

衛青曰自魏其武安之厚賓客天子常切齒彼親待士大夫招賢黜不肖者人主之柄也人臣奉法遵職而已何與招士東溪先生曰大呂招賢納士以輔佐國家而不結私黨與何所不可魏其武安但崇私交非為國家者加尚氣怙勢以是滅其宗以衛青之謙下而招賢待士必無田竇之釁恒青短於學古資不豈士故以田竇自釋去

李陵論

淮海先生

巨聞草食之獸不疾而易斂水生之虫不疾而易水行小變不失其大常也知此者可以用兵矣何則夫用兵之法有所謂常有所謂變什則圍之伍則攻之不敵則逃之兵之所謂常也以寡覆衆立之所謂變也古之善用兵者雖能以寡覆衆而什圍伍攻之道未嘗忽焉所謂行小變而不失其大常也嗚呼李陵

之所以敗者其不達於此乎兵法曰小敵之堅大敵之擒也方漢武時匈奴承冒頓之後號為強盛控弦百萬幾與中國抗衡衛青霍去病之徒每出塞至少不下三萬騎其多至十萬騎又有諸將相為應援然後有功陵乃以步卒五千出居延行三十日至浚稽山與單于七八萬騎接戰一日數十合安得而不敗哉蓋陵嘗將八百騎深入匈奴二千餘里過居延北不見虜還又嘗將輕騎五百出燉煌至盩水迎貳師未聞因絕謂以少擊衆可以為常不知幸之不可以數也昔秦始皇問李信曰吾欲取荊將軍度用幾何人而足李信曰不過二十萬人又問王翦曰非六十萬人不可始皇使信伐荊既而軍敗復欲使翦翦曰大王必不得已用臣非六十萬人不可始皇從之遂平荊地夫王翦豈不知以小擊衆為利哉以為小變不可恃太常不可失也故田單疑趙奢之用衆而奢以為兵平之劍肉而試則斷牛馬金試則截盤匝薄之柱上而擊之則折為三節之石上而

擊之則碎爲百焉乎以王翦之事趙奢之言觀之則陵之敗其
自取之哉夫豪傑之士不患無才患不能養其氣而已不能養
氣則雖有奇才適足以殺其身也方陵之召見武臺天子欲使
爲二帥將輜重陵心取之不敢言也遂請當一隊以分單于兵
夫以陵之奇才向使少加持重則衛霍之功豈難繼耶而不勝
一日之憤輕用其鋒至兵敗降匈奴頽其家聲是以不能養其
氣而已矣或曰李陵以孤軍深入其亡也宜矣然則李靖以騎
三千漂血虜庭遂取定襄何也曰唐之擊突厥也六總管帥十
万皆授靖節制所向輒克虜勢甚矣頡利諸酋皆勤所部來
奔所謂傷弓之禽可以虛弦下也況於勁騎三千乎與陵之事
異矣

李陵論

何博士

善將將者不以其將予敵善爲將者不以其身予敵正以其將
予敵而將不辭是制將也將以其身予敵而士不禁是聽主也

故聽主無斷而制將無權二者之失均焉。然之與李陵是也。方漢武之大治匈奴衛霍之興貳師皆其大者也。三人者之偏裨類皆當世之選然求其壯勇敢決能得士死力者未有以過陵也。漢武召之欲爲貳師將韜重也而陵惡於屬人自以爲將皆荆楚勇士奇材劍客願得自當一隊以步卒五千涉單于庭而無所事騎也。夫所謂騎者匈奴之勝兵長技也。廣澤平野奔突馳踐出沒千里非中國步兵之能直也以匈奴之強兵騎之衆居安持佚爲致敵之主而吾欲以數千之士探甲負糧徒步深入策勞靡憊爲赴敵之客是陵輕委其身以予敵矣。而漢武之不禁也乃甚壯之而聽其行上無統帥而旁無援師使之窮蹙日之力涉數千里之地以與虜角而冀其成功陵誠勇矣雖其所摧敗者足以暴於天下卒以衆寡不敵身爲降虜辱國敗家爲天下笑者是漢武之又以陵與敵也。故曰二者之失均焉。法曰小敵之堅大敵之擒也。陵堤五千之士孤軍獨出當單于十

萬之師轉鬪千里安得不爲其所擒也是以古之善戰者無幸
勝而有常功計必勝而後戰是勝不可以幸得也度有功而後
動是功可以得也秦將取荆問其將李信曰度兵幾何而
可信曰二十萬足矣以問王翦曰非六十萬人不可秦王甚
壯信而怯翦也遂以二十萬衆將信而行大喪其師而還秦君
大恐自駕以請王翦曰必欲用臣願非六十萬人不可也秦
君謹受令翦遂將之破荆而滅焉冒頓單于嫚辱呂后漢之君
臣廷議欲斬其使遂舉兵擊之樊噲請曰願得十萬衆橫行匈
奴中季布曰噲可斬也昔高祖以四十萬衆困於平城噲奈何
欲以十萬衆橫行匈奴也呂后大悟遂罷其議向使王翦徇秦
君以將予敵而不辟呂后聽樊噲以身予敵而不禁則二將之
禍可勝悔哉夫李廣李陵皆山西之英將也材武善戰能得士
死力然輕果易敵可以屬人難以專將世主苟能因其材而
任之使其奮勵氣節霆擊電搏則前無堅

戰烈可期矣漢

武皆乖其所任二人者終於憤蹙而不濟

名敗可不惜哉

大將軍衛青之大擊匈奴也以廣爲前將軍青從廣出東道少
回遠乏水草廣請於上曰臣部爲前將軍今大將軍令臣出東
道臣結駃騠而匈奴戰乃今一得當單于臣願居前先死單于而
青陰受上旨以廣數騎無令當單于恐不得所欲廣遂出東道
卒以失期自殺夫以廣之材勇得從大將軍全師之出其氣勢
已倍矣又獲居前以當單于此其志得所逞且有以自效無復
平日之不偶也奈何獨摧擯之使其枉道他出遂死於悒悒而
天下皆深哀焉至若陵也又聽其以身予敵而奔之匈奴僥倖
於或勝及其敗聞從延首傾耳望其死敵而已無可悔惜也嗟
乎漢武之於李氏不得爲無負也蓋用廣者失於周而用陵者
失於易其所以喪之者一也賈復中興之名將也世祖以其壯
勇輕敵而敢深入不令別將遠征常自從之故復卒以勲名自
終三壯勇輕敵者可以自從而別將遠征之所深忌也觀賈復

之所以爲將無以異於陵墓也而世祖不令別將遠征常以自
從者是明於知復而得所以馭之之術也故卒收其效而合其
軀不然則復也亦殞於敵矣嗚呼任人若世祖者幾希矣

新刊國朝二百家名賢文粹卷第七

新刊 國朝二百家名賢文粹卷第八

論著

歷代人臣四

四

李廣論

王賢良

知人雖難而用之亦未易也始能知之則終能用之使之各盡其才而無有餘不足之病斯以爲善用人矣若知而不用則如無知若用而不當則如無用昔李廣以出奇之才而不及大用天下多傷之是豈知用才之意歟且文帝固嘗言之矣以廣生高帝時万户侯不足道也然世不察以帝知廣之才而不能用此豈文帝之意哉廣之爲人也多奇而易窮輕變而無重方高帝時四分五裂之時也天下之人救左則失右救右則失左方是時也李廣可以或出而立奇功若天下既平而持權用兵乃大將之事也此惟隱厚有謀然後中當世之用豈非廣之所長矣向高帝方擾攘之間所以深信而屢用

東子之謀獲秦

誅楚而卒有天下其君臣相得亦已至矣已之安否后問
帝後事則陳平智有餘難以獨任而在周勃以其厚重少文而
足以安劉氏且平無攘天下之資而又非有韓彭之志帝安得
而疑之亦以其不時而已矣蓋用智則傷謫好奇則多危此可
以治乱而不可以守成故高帝之所不與也然則文帝之不用
李廣蓋謂此邪王者之師必出於万全故其有事則先勝而後
戰然猶懼其不足用也故三令而五申之先之以盟誓重之以
勸戒制法謹嚴則堅不可犯是以其止如山其行如川其餘如
林其疾如雷故師出而無敵於天下此機直所以勝於未戰也
將果可以無法乎今廣之用兵則不然其行無部曲戰無行伍
屯無刁斗守無扞衛此林谷散闘之法所將不過千人足矣過
此其能爲之乎春秋之時楚師救鄭過險不整姚句耳固知其无
能秦師伐鄭入險而脫王孫滿猶知其必敗且列國之帥一不重
固則覆亡之不暇况天下之大而數奇安可爲萬全計宜文帝

之所不欲也

鄒陽枚乘

龜山先生

吳王怨望陰有邪謀鄒陽枚乘之徒不能明義以道其君而區區以利說之宜乎其無益也及吳兵西向而枚乘猶以民之輕重國之大小爲言則是使吳重大而漢輕小則吳兵可得而進也吳亡乘不及禍而卒以取重於世幸矣夫

朱賈臣論

曲肱先生

漢武帝喜詞章故郡國能文之士魚鱗雜遝而進相如起於蜀嚴助起於吳吾丘壽王起於趙皆以終虛傳辯得幸夫子登金門上玉堂奉清閒之享不爲不達矣然數子以游談不根之詞快諧不經之語參預國事有足爲害者數子中賈臣尤爲沾沾小人偶能詞賦耳方負新行歌未嘗不欲一日取富貴以驕其妻妾也故搖尾俯首乞巧於計吏待詔公重自璫而不恥恥平由嚴助得進夫以無恥之人處天子左右台信計策有

所裨益難矣帝初即位自以雖才大略承下身富之後意在
鞭笞四夷奮興百度猶能自朕初即位不欲以戾符發天下兵
意尚知兵役非易舉事也當時之臣若能以高祖創業之難文
帝持守之道諄諄告之使兢兢業業猶能回其好大喜功之心
況於逢其惡哉東甌南越之伐在當時未見深害而蚡公孫供
必欲諫止之豈以帝方銳意征討不迎其鋒而戢之則窮兵黷
武之志自此始矣買目輩非不能發一語為助方希帝肯持偽
辨浮詞之挫折卒起東南一役嚴助買目啓之也致帝內費廣
藏外竭民力居者嬰屯守行者困轉輸暴骨膚野盜賊半天下
其罪大矣晚惠張湯凌折屢欲死之殆無以壯其暴怒抑辭之
氣乃告湯陰事湯自殺而身亦被誅天道豈遠哉其懷絀趨郡
散艷一時特足以驕小人身死名腐與餓死溝中等耳其罪之
言未為過也何足道哉

嚴助

東溪先生

上問嚴助曰汲黯何如人也助曰使黯任職居官士以喻人然
至其輔少主守成雖自謂賁育弗能奪也東溪先生曰武帝畱
於春秋方欲興百度攘四夷非羣荒恤後事之時也嚴助誠知
黯當稱黯善曰黯才無不可然於議論國是閑邪守正以諫諍
置人主於無過之地此尤其所長乃曰居官無以喻人輔少主
賁育弗能奪黯常使河內守東海為使而使為吏而吏非居官
士以愈人者輔少主守成似騁驕黯才足豈可為強壯之主言
耶助之言非特不足以盡黯亦非武帝之得也故帝雖然助言
然於黯無所外進蓋由助緩其用也

主父偃論

夏文莊公

大儒者立言措意訓世垂範布在方策播之無窮非隨時之義
然漢武待學者以不次之位楊雄司馬相如平津侯董仲舒之
徒以大材稱旨東方朔吾丘壽王朱買臣主父偃之流以上書
被用雖昧國朝規制而左右經義以折時

主父偃上書

諫伐匈奴之事排兵革去戰爭謂得其地而不得其民不足用秦竭天下之力却地千里而肉不生五穀暴其露師以守河此飛芻輓粟不足糧餉邊境靡敝而尉佗章邯得成其私言世務之急甚中治道故上歎其見晚歲有四遷之榮極言之極亦厚矣求諫之賞亦重矣是時上方騁事於東狄北欲城築朔方國用不足而權節筭緡鹽鐵之利並行民苦其弊平津侯議罷四遠無用之郡偃乃盛言朔方地肥饒外阻河蒙恬城以逐匈奴內有轉輸廣中國滅胡之本也於戲何忘本之甚哉前言澤鹵而此言肥饒豈地寡歟前言不足而此言自有其事之憂歟人之無常不可以爲監况士平其進也危言高論傳經致諫以令人望言其害也如彼其貴也甘言邪說希首若谷以自固位言其利也如此詭譎不干常然始違廷豈可以聖人之道而進身以小人邪而固位得非日暮途遠固行逆施令色亂備以譎二人書去雍不有初鮮克有終易曰不常其德或承之羞詩云

士也。屈極二三其德。傳曰：善人吾不得而見也，得見有常者斯可矣。哀哉！假聖人之途而成小人之私負，乘政寇宜共不達矣。當朱買臣之十難，平律侯不得其一。史籍不載，莫知其時苟能舉此以難建策者，固將說服矣。

蕭望之論

屈平賦公

引恭石顯之議蕭望之也。其夫人獨以為非天子意，望之以問朱雲而雲勸其自裁，至使人君拊手而驚，却食而泣，哀慟左右。極乎憤惋，既而不絕。其封國歲祠其冢墓，由此觀之，苟望之不死，則倚以為相必矣。儻因而斥退，燕黨薦延，忠直廓大明之晝，驕恢盛業於悠遠，力之不逮，則以死繼焉。鵠毛太山，唯義所歸，不其壯歟！不其偉歟！捨是而不圖，自經於溝瀆，為足夫疋婦之詠，以凶豎之姦計，問人君於過惡，其不智而無名也甚矣。彼朱雲者，真所謂不得中行而狂狷者也。採賸幾亡，不迨平婦人之明，又以見聖賢擇言不以人廢於斯驗矣。

蕭望之論

文公

子肯論望之之爲人也始以經術論議有餘引是非承大體居
位持重有直質而無流心身爲儒宗臨大節而不奪信乎中興
之名目已然或取名而忘其上慕古而不適事願已而果於用
辯好任而固能擇人斯亦賢人有所蔽乎春秋不捨許世子之
罪世子賢者也君子因可責而責之所以昭別淑慝使後之亂
臣賊子無所緣旁以竄其惡唯然知功罪之不得相掩故子竊
用論云當此節之初西羌內叛軍興穀貴裁足相給於是張敞
建言願令諸有罪非盜受財殺人及犯法不得赦者皆得入赦
贖罪務實邊郡賢於橫歛可謂上術矣望之乃援堯桀義利之
分天漢盜賊之驗引古自高退其實効苟以謀不已出懷私任
情韓延壽治東郡爲天下最代望之爲左馮時恩信周邇二十
四縣莫不以詞訟自言者名出望之遠甚望之因令御史按問
延壽在東郡時放散官錢十餘万延壽亦校望之放凜犧錢百

万于時望之得君由是上不直正壽窮竟所失望之卒以正壽
修亡車申三百万僭上不道以弃市論此則取名息上之一驗
馮奉世奉使西域於時沙軍殺漢使劫諸國謀降匈奴奉世策
其雄張則西域非復漢有遂節諭諸國發兵誅之威震西海大
宛請服可謂敵王所懾歟難未萌矣宣帝美其功議欲封之望
之建白以矯制違命不可為法開後奉使者為國生事奉世用
是不得封耿壽昌奏言糴穀三輔省關東漕卒三万人令邊郡
皆築倉穀賤則增價而糴貴則減價而糴權節其用名曰常平
望之知其得幸于上不能无少望復言壽昌習於商均分鈔之
事未足任且如故上不聽民果便之此慕古不適事之二驗
張敞既為京兆朝廷大議自慮便宜公卿皆服与望之于定國
相善元帝即位或言敞名巨宜傳輔太子望之以敞任治煩亂
乱非師傅器乃罷之知丙吉長者上所素重言三公非人
評裁陳功亦以過甚此則顯已用辯之三

夏自陳治亂悉石頭之傾側而痛其幾誤
訛終之君臣開隙使無後合而軋之此則好任不擇人之四驗
孟堅稱望之堂堂折而不撓近古社稷臣也斯可尚矣若前
之四驗寧所望於蕭傅乎君子是以知材全之難

蕭望之近古社稷臣論

王基王公

甚矣中國之有夷狄也堯舜之時蠻夷猶夏命皋陶作士文王
之時西有昆夷之患北有獫狁之難夫堯舜文王皆帝王之盛
時夷狄猶未盡循服況后世乎漢高帝既有天下困於平城之
圍高后女主遭其嬖侮久矣文帝恭儉以德化民中國安樂矣
而有匈奴之憂帝自將兵苑中而又親屈萬乘之尊以伸亞夫
之軍當宁而歎恨元康頗李牧凡以為匈奴故也及至武帝命
將出征伐取胡方師行三十年而中國亦耗盜賊並起至宣帝
之世匈奴始衰議者欲因其壞亂卒兵滅之獨蕭望之建議
兵不以義動恐勞而先功不若遣使存問輔其微弱救其災患

四夷聞之咸貴中國之仁義宣帝從之其後呼韓邪單于來朝而社稷安大哉蕭望之之議也雖臯陶復生無以復過史臣請近古社稷目如望之者真社稷之目矣何名爲近哉孟子曰有事君人者以事君爲容悅者也有社稷昆者以安社稷爲悅者也
有民者達可行於天下而後行之者也有大人者正已而物正者也望之初爲平原太守雅意本朝內不自得後爲左馮翊即移病不視事蓋汲汲於進取者非所謂天民達可行於天下而後行之者也及以大臣輔少主不能守正特重優游不迫以釋小人之疑而輕用鄭朋後復絕之卒不免恭顯之讒繼之以死又非所謂大人正已而物正者也然其性素剛狠于忠義身爲儒宗論諫有餘比之事君以爲容悅者蓋若霄壤矣而忠言嘉謀如鐵石故事漢至賴之尊榮數世以尊豈非安社稷之目也哉

望之更生輔元帝初政以元帝天資之弱下 高總朝廷
之事內有恭頤制樞機之權二子居其間可謂孤弱之勢危疑
之時矣所以處之之道要當艱深其慮正固其守誠意懇惻以
廣上心人才兼收以強國勢謹其爲勿使有差密其機勿使或
露積之以久上心開明人才衆多群心歸而理勢順庶幾有可
爲者此在易屯膏介貞之義也而二子處之蓋甚踈矣其綢繆
經理未嘗有一日之功也遽白罷中書官官其機蓋已盡露而
無餘策既不蒙信用而中外小人並起而乘之身之死且不足
道而當時之事遂不可復抹甚矣二子之踈也況其所爲自多
不正用人要當公天下選而二子者不惟其賢惟其附已不知
小人迎合於外者詎可係邪故以鄭朋之傾邪而使之持臺三
於華龍之汙穢亦欲入其黨被蓋有所召之也在易有之君子
以遠小人不惡而嚴所請嚴者嚴其在我者也二子處群小之
間而不嚴如是其可得乎袁安任隗當眾莫強撓之時非惟不

能加害而卒能去之以安隗所處之嚴故也故史稱安隗素行
高與夫有以害之斯言誠有味也二子曾不知此邪至於使外
親上變事與子上書則又其甚矣予觀二子所執雖正然懇誠
之心不篤勢利之念相交以天下之公義而行之以一己之私
蓋不知學之弊也吁可惜哉然而昔人未可以一失斷其平生
若更生經歷憂患晚歲氣象殊勝於前處王氏之際庶幾為愛
國敦篤者矣

蕭望之論

東萊先生

君子必有堅忍不拔之操然後小人不能犯吾之所忌嗚呼小
人之害君子何其多端也遇人之介者則必辱之遇人之廉者
則必污之遇人之剛者則必折之遇人之直者則必誣之蓋介
者必不受污剛者必不受折直者必不受誣凡此者君子之所
忌也小人知君子之所忌而直犯之君子不知而墮其計中大
則死小則士前後相望可不為大哀乎昔

也時有奪嫡之

謀謂優施曰吾欲為難安始而可優施曰

日生其為人

也小心精潔又不忍人精潔易辱不忍人自

分也歸那誣申生申生自殺魏公叔為相尚主而害吳起公叔之僕

曰起易去也吳起為人節廉而自喜名君先與武侯曰吳起賢

人也而侯之國小臣恐起之無留心也試延以主起有留心則

必受之無留心則辭矣君因召吳起與歸公主怒而輕君起見

公主之賤君也則必辭公叔用其計吳起果辭武侯疑之遂奔

楚夫申生有精潔易辱之形見於外故優施因其間而排之吳

起有節廉喜名之形見於外故公叔亦因其間而排之使二人

渾然天成削去圭角置之不愠用之不憚則小人亦安能乘間

而犯吾之所忌哉蕭望之秉直道而不容於恭顯終於殺其身

吾以望之亦有罪焉望之自始見霍光不肯露素挾持甘心於

抱關之役其後為平原太守則不自得為左馬翊則移病為御

史大夫則與丙吉鈞禮其介然剛偏循潔之操不以一毫挫於

人天下共知之矣當恭顯之欲害望之深思熟慮以爲望之帝
之師傅著節老臣苟顯使帝誅之誰肯從之惟納之囹圄使術
首對刀筆吏則望之則福必不受辱忍而死遂收望之下廷尉
而望之果如其所料終以自殺恭顯定計於前收效於後如取
如攜無錙銖之差者以望之之賢而不能出於小人之所料此
有志之士所以爲之流涕太息而不能已歟嗚呼望之社稷之
鎮也使不感慨自殺則元帝雖不盡用恭顯亦終有所忌憚而
不敢發其惡亦少瘳矣幸而天假之年至于成帝之世安知其
不能坐銷王氏代漢之禍乎是望之死生實漢室之所由存亡
也望之縱不自惜獨不爲漢惜乎又況望之素以大儒自處一
旦臨事乃自經溝瀆與田光侯廟之徒比豈天弃漢而奪其魄
耶何其謬戾若斯之甚也

酈吉論

司馬溫公

酈吉爲丞相出逢群盜格鬪死傷橫道過

身見牛喘而問

之以爲言禁盜賊守令之事陰陽不調此言白職且談者美之言以爲不然夫宰相所以治陰陽者豈執乎端居無所施設而陰陽不調蓋亦佐人主治庶政安四海使和氣洋洋薄于宇宙旁暢周達浸潤滲漉明則百姓治幽則鬼神諧然後寒暑時至万物阜安雖古聖人之治天下至於陰陽和寒暑時而至治極矣豈庸人所能致哉當邴吉爲政之時政治之不得刑罰之不中不肖之未去忠賢之未進可勝紀哉釋此不慮而慮於牛喘以求陰陽不亦踈乎且京邑之內盜賊縱橫政之不行執甚於此詩云商邑翼翼四方之極近不能正如遠人何若曰守令之職守令不賢當責何人非執政者之過又又誰歟昔士會爲政晉國之盜泚奔于秦子產爲政祊李垂於街者莫援若盜賊不禁而曰長安令之職風俗不和而曰三老之職刑罰不當而曰廷尉之職衣食不足而曰司農之職推而演之天下之事各有其官則左右居於其間悉無所與而曰主調陰陽陰陽固

可坐而譖耶愚以為兩吉自知居其位而無益於世飾智諂問以掩其跡抑亦自欺而已

兩吉論

宛丘先生

邴丞相為人至深厚也余獨有恨焉虜入雲中詔問丞相御史以虜所入郡吏不能對得譴責而丞相能具知見謂憂邊思職夫吉之能知馭吏之力也夫平日不從事於其所急而一時際會於他人之力亦可以為傲倖矣謂之真憂邊思職也可乎因傲倖以得譽遂從而冒之坐視人之得譴而不分謗則亦少欺矣龔遂因王生一言天子以為長者遂不敢以為出已曰此乃臣議曹教臣失遂之能歸功於君其善微而不冒人之善其德厚矣方天子讓御史吉如曰臣與御史等耳臣之僕有先白臣者臣是以知之此其為能獨憂邊思職而已哉世人有未嘗射挾弓注矢一發而中不知者曰天下之善射皆也其人不讓則知之者笑之矣邴吉曉宣帝於死能絕一命獨貪一馭吏

之功殆必不然傳曰思則得之不思則不得也吉未之思歟夫
冒昧待之福而安處之此庸人之所常行獨希而丞相恨也

丙魏得失

南軒先生

魏相所存不得爲正觀其有許史之累則可見矣夫欲其說之
行而假許史以爲重此詭御獲禽之心君子不道也然其爲相
亦有可取者四方有異聞或有逆賊災沴輒奏言之賊宰相事
也其諫伐匈奴書有曰今郡國守相多不實選風俗由薄水旱
不時按今年子弟殺父兄妻殺夫者凡二百二十二人臣愚以
此非小變也凡此在它人不知爲憂者而相獨知憂之亦槩乎
有聞矣故子其潛其進之不能以正也進不以正則牽制徇從
之事必多而感格正抹之風或解矣丙吉深厚不伐在它人亦
所難者其德厚可稱也其爲相若寬緩者雖天資則然意亦以
宣帝之政尚猛其有矯之之意歟然抑亦太甚矣至於韓延壽
楊惲之死則亦莫敢抑也吉見謂不視小事知大體二卿之死

其豈事之小者邪濫刑若是其於大弊何其有語其卓識蓋不遠相遠矣

陳湯論

宛丘先生

余觀漢公卿論陳湯矯制斬郅支之賞其守常不通者則曰是不當賞且開後奉使者乘危徼幸生事夷狄而奇其功憤其為庸臣所訛者則稱譽贊說大功不錄小過大美不疵細瑕耳如尊寵以勸有功此劉向之論也夫奮不顧身決計出奇以孤軍取單于之頭梟之藁街自漢殺匈奴以來未有能如此者而欲以一切矯制生事論之有罪而赦之不使有尺寸之賞此天下皆知其不近人情而不服也然湯之還使朝廷遂厚賞之一不問其矯制如受命討伐而有功者則亦不可何則人臣不待命而有功以要我則亦為國者之所病也故劉向之論善矣而未盡也元帝遂從而賞之愈於不賞可也所以為說則終亦未有以服惡矯制者之論惜乎無有以是說告之矣所惡夫賞矯

制而開後患者謂其功可以相踵而比有步也。陰山之北凡幾
單于自漢擊匈奴以來得單于者幾人終漢之世獨一陳湯得
單于耳其不可以常徵幸而得功者又寡如此則裂地而封湯
乃著之令曰有能矯制斬單于如陳湯者無罪而封侯吾意漢
雖欲再賞一人而未可得何遠有邀功生事之憂哉故上足以
尊明湯之功褒顯之無疑下不畏未來生事邀功之論天下之
善計也古之為法者行法而不失人情當夫事實而亦不使之
不可繼凡若此也昔者韓患秦之無厭比下令曰有能得秦主
者寡人與之國大夫皆諫曰不可賞不可以若是其重也韓王
笑曰得秦主而寡人與之國是賞有罪乎自得秦主矣寡人其
憂益國哉是賞湯之說也

新刊 國朝二百名賢文粹卷第九

諭者

歷代人臣五

西漢

趙充國

東坡先生

始予觀充國策先零匈奴情偽曰何其明也又觀遣屬軍行若
中告諭阻兵武賢先攻罕开守便宜不出師晝屯田十二利專
務以恩信積穀招降以謂此從容以義我用兵與夫逞詐誣叛人
於一戰者絕矣最末觀其語將校曰諸君皆使文自營爾非爲
公家忠計也語郎中曰是何言之不忠也吾固以死爭之語浩
星賜曰吾老矣豈嫌伐一時事以欺明主哉老臣不以餘命爲
陛下言之卒死誰當復言之卒以其意白上去嗚呼使有位君
子皆用其心如充國則古今天下豈有不治者哉嘗觀於內曰
公卿士大夫之議曰法當然奈何觀於外將之議曰詔如是不
當違詔也凡在我一入一日未有止障也一有能言一事其言

不用則矜語於人曰某事吾常言之上不我取也我則無資終
不更犯顏色往復論也況於以死守而不欺事復有哉而以餘
命受祿位者併肩立也豈班才不及充國忠又不如可歎也夫
充國之用心人臣常道爾然與充國同時在漢建人未聞皆然
而充國獨然故可重也噫今之人不及往時遠矣則充國益可
重也子既觀充國而感今之人又觀宣帝與之上下議而格排
群疑用之遂無勞兵下老寇不知其能功亦遇主然也噫宣
帝充國可重也況三代君臣間哉下其肯有欺上上其容有間
然乎而觀揚子雲贊不及此區區論功爾功古今豈無大者哉
不若原其心以勵事君也班固又不出語山東氣俗故著充國

趙充國論

宛丘先生

余讀趙充國傳觀其用兵決策若可以有奇功然提大兵對五
萬之先零持久之數年而不決其取之也又外有奇變可喜之功
蓋嘗疑其多畏而少斷及見其言在勢國之大事當為後法而

彼知其非徒然也夫先零之事微矣然其規略即古之謀臣智士之遺法也古之善計者未嘗一日不志於功名而不肯爲倖之利而其術本於觀時時非吾之所能爲而吾能引而致之不然則安坐以待其疲捨是未有肯妄動者大提兵決戰斬級捕虜與敵鬪吾可以有功而不可以無患也未可以無患則變生不常而勝負未有所在謀人之國都而君之勝負未有所在是天下之危道也充國赦罕井以離其支黨遣其降者以亂其腹心培之於覆亡乃徐待其熟而後扼之夫充國豈以謂力戰必死爲必敗哉以謂善戰者其法不當出此故也昔余嘗怪武帝用衛青霍去病出死百戰以段蹂匈奴之強此兩人斬敵降虜不可勝數單于遠遁漠南空虛而終不能得志至其晚年侯與匈奴兩不振矣唐太宗與頡利臨渭水而盟方是時內有太宗之雄而李靖李勣爲之將卽致頡利於室中而開其門覆軍殺將何求而不可太宗意不出此而其終實利危殆國中空

虛李靖以五千騎談笑而滅之夫武帝之無大功何也戰匈奴之強而不能致匈奴於弱而後戰而太宗之明知頡利之方強雖足以取而不可以無患李靖以孤軍而功過衛霍之百戰伐惟投其時故也其後太宗舉國以取高麗猛將銳卒自以無前而頻兵堅城逡巡而退何則蓋蘇文之雄而欲以三國處之過矣高宗之時蓋蘇文既死則用一李勣取之而有餘夫勣之才豈過太宗哉敵之時異也句踐與陸蠡百計而謀夫句踐不能忍而欲發也數矣蠡獨不可而至稱蠡之才則遂起而不疑何則彼之至計不獨以戰爲也故充國以善戰之才謀五萬之衆至百計蠡之取彌年而後成彼非惡速也以謂此用兵之法也

黃霸論

吳賢良

夫君臣相與之際此最安危成敗之機而不可以不察蓋其禮雖親而其意則甚疎其迹雖邇而其心則甚遠是故君之所欲者以利害而臣之所爲者以名高則公而不通君之所故者以

名高而臣之所爲者以厚利則汚而不潔君之所欲者以譎謀
而臣之所爲者以故常則泥而不圓君之所欲者以故常而臣
之所爲者以譎變則詐而不信幸而相容而不相疾則必至於
擯斥削奪以終其身不幸而譏險之人因其君之不忍而芥蒂
於其間則趙醯臯磔殘家覆族者繼踵跡而適足以快小人之
忿夫以文帝之賢賈誼之識而位不踰於主傳武皇之明公黯
之忠而官不過於列卿者蓋文帝之所好者黃老之術而賈誼
之所長者遇禮義之言武皇之所喜者申韓之書而汲黯之所
守者遇清淨之道譬豈之以方鑿入圓枘此其所以齟齬而不相
得也昔者黃霸有能名於潁川之時及其爲相則號令風采不
及於治郡之日故望實日減而識議者遂以爲苛察煩碎之才
豈可以臨民而非代天理物之器此不足以知霸也夫趙廣漢
尹翁歸薛宣何並朱博之徒摘蕪以爲智撓獄以爲明猛而不
能和察而不能容苛術數而忽道德重法令而輕教化是故不

可以大任而施之於處理弭諸之地則必苛碎瑣屑而適足以
亂天下若霸者豈類是哉當霸之治潁川仁及於民則鰥寡孤
嫠貧窮之微无所不全愛彼於物則牧養孳乳種植之絕無所
不育教行於俗則義夫節婦孝悌之行屢出於其時化感於神
則鳳凰神雀祥瑞之物駢集於其域孟子曰五畝之宅環之以
桑則五十者可以衣帛雞豚狗彘不失其時則七十者可以食
肉百畝之田無奪其時則八口之家可以無飢而以為王道之
始且孟子之言疑若其淺也而其用則甚大蓋天下之民各安
其室各勤其業富足而無寒餒之憂壽考而無疾苦之患父母
有養妻子有奉而和順輯睦則雖使張儀范雎之徒日誘於其
前而使之訛梁敗虜以為亂則必勃然而怒惟恐其汙已何者
養生喪死之樂足以歸於其心則不敢輕犯天子之法夫霸之
為政亦何以異此苟使其推而行之以及於天下則何為而不
可哉蓋當是時宣帝方行雜霸之政以威斷齊天下懲大臣恣

橫之弊思華其風而督責之說勝而霸之所為非夫歲月之所
能行是以乖離朕阻而不相合夫以優游寬厚之教而說剛明
嚴察之主譬猶胡越容貌之不相入霸之見短實案於此嗚呼
以霸之已効之功一有不合而遂致排黜之不暇則夫抱瑰奇
雄偉之略困於草莽鼎烹之中而為腐儒小生之所譏訶訕笑
者亦何可勝言哉

王吉貢禹優劣

張待制

漢之亂兆于宣帝而成于元帝蓋其君臣之間皆有罪焉宣帝
知為政而不知有教化元帝知節儉而不知有權斷也主言嘗
謂宣帝試言之矣蓋不過區區婚媾車服之節固未足以為教
化姑以探帝意必可以大有為而後盡發其蘊也宣帝以其言
迂闊不用而去吉遂謝病引去及元帝即位其勢視宣帝時已大
變矣貢禹推本節儉反復曲折為元帝言之大率与王吉相表
裏帝雖虛心聽從而卒不能以救漢之亡也夫元帝之所乏者

豈節儉哉告以此補宣帝之不及而不見用其罪在宣帝禹乃
因元帝所有餘而益言之是將為容悅者也其罪在禹自高帝
迄于文景始務為寬大博厚慈祥之政求以化天下而秦人併
居諱語之俗猶未能變武昭固不暇也宣帝可以為矣而專以
申韓刻核之術為治一年之間至子殺父妻殺夫者凡若干其
視秦俗固不遠哉當其時漢雖未亂而俗已大亂矣蕭望之於
元帝有師傳之尊有輔相之重而恭顯以佞殺之夫以貴重大
臣而死於一二閹入之手蓋雖方死不足以塞責而于得免冠
致謝即置不問寧殺望之而不忍加臺殿於恭顯非厚於此而
薄於彼也其權斷不足也彼其悖逆不道如是而不誅焉尚何
以持天下哉故漢之亡元帝寔成之也用此觀之古蓋有意於
救俗之弊而禹特容悅而已二人所言同其取舍異如此班固
附禹傳於告之末遂與龔勝薛方清節之士同列焉嗚呼其亦
未知禹之情耶

于定國

東萊先生

治獄者非死生禍福不入其心未足與議也蓋生死禍福入其心則迫於權勢奪於威武雖有平恕之士亦變而爲暴酷矣張歐之在文景時此其謂之長者也每上具獄事有可卻卻之不可者不得已爲涕泣面而封之其慈祥豈弟之風溫然可挹也至於與莊青翟等劾是錯加以大逆无道之罪腰斬錯而父母妻子同產无少長皆弃市其殘賊忍雖張湯杜周亦不過如此以其前後觀之判然若二人焉此无它歐雖天資平恕而守中初无所守故當景帝之怒錯則震懼失趣亟免順指陷於暴酷而不能自收也于定國爲廷尉民自以爲不寃後世言治獄者必稽焉然善書考其實亦張歐之流耳定國以地節元年爲廷尉而以甘露二年遷御史大夫凡十七年之間屢於刑書暑無不出於定國也趙廣漢以元康二年誅蓋寬饒以神爵元年誅韓延壽以五鳳元年誅楊惲以三年誅皆當定國爲廷尉之

時焉此四誅者宣帝之大過而千載之所痛憤流涕者也吾不知定國嘗爭之耶其亦未嘗爭之耶若其不爭則其罪固无所逃就使嘗爭之有官守者不得其職則去未聞可以不從而但已也爭而不爭其失等耳夫定國身為廷尉上則陷君為淫刑之主下則資暴酷之吏以事君以事君則不忠以謀己則不智不忠不智君子之大節已虧矣乃反屬意於郡國請讞之問略於大而謹於小吾未見其為平恕也向使定國有剛毅之操不以死生禍福移其心如張釋之所犯蹕盜塚之獄雖帝之所甚怒而必輕之効太子梁王之失雖帝之所甚愛而必糾之當官而行不吐不茹則趙主韓楊之徒亦庶幾不死矣成王命君陳曰南民在辟予曰辟尔惟勿辟予曰宥尔惟勿宥惟厥中定國獨未見此論耶

劉向論

龜山先生

初孝宣循武帝故事招置名儒而更生以通達善屬文與翟中

可謂遇主矣其後二復興神仙方術之士而更生得淮南坑中
鴻寶秘書獻之言黃金可成其所為未免長君之過也豈其逢
世希合而為之歟抑年少學猶未能死惑於異端歟其後與望
之相益輩並立于朝為群小側目更生乃令公親上亦重其說
實在哉夫君子小人相為盛衰蓋天地之大義也消息盈虛天
地且不能不以其漸況於人乎且許史恭顯之於漢也漢籍松
昵寵辟之恩非一日矣其培植根深其滋蔓非所以朝外而暮罷
而君子之去小人又非智謀之足恃也亦有吾之仁義而已矣
彼方欲肆其以罔吾之信為數以敗吾之義而吾且欲決而
去之而自吾而不信其見棄也不亦宜乎予讀更生傳見其機
權於君未嘗不為之太息也惜其不知義命之歸故一蹶而
不振悲夫

劉向論

東萊先生

人臣事君之義有不可則止者有知其不可爲而爲之者觀其
所處之地如何耳義所當止雖如齊宣之受方鍾而孟子終不
受義所當爲雖如商辛之剖心敷而比干終不退苟得其道則
進退不同而同歸於是苟失其義則進退不同同歸於非烏呼
非知親疎之義者孰能並行而不悖乎是故三諫不聽而逃之
者疎也臣道之三諫不聽而隨之者親也子道也孟子在齊見
陳故當以呂道自處比干在商爲親故當以子道自處知孟子
之所止則知比干之所以爲也知比干之所爲則知孟子之所
以止也孟子比干易地則皆然劉向生於元成間則困於莽顯
之讒訟後困於王氏之排斥屢譴屢排而直言正論曾不少衰
或者則責以不可則止之義殊不知向與漢同姓豈可恕然向
陳迹之目哉諫而又諫繼之以死可也且元成之昏亂不足以
有爲向非不知之矣知其不可而爲之者特以吾之義而已是
數莽竊之非惡非迂也假外戚以上書非詐也訟三氏之強盜

非王也蹈殺身之危機非愚也親之之義不得不然也向嘗考
陳湯曰身爲宗室遺老歷事五朝吾而不言誰當言者噫斯言
也其見向之本心乎昔屈原亦楚之宗族事懷王襄王盡忠而
不見荃櫝奔沉竄徘徊不忍去至投汨羅以死人皆以屈原不
能高舉遠逝全身遠害過之賈誼亦吊之曰歷九州而相君兮
何必懷此都也是豈知原之心哉惟劉向所處之地所處之義
与屈原同出一轍故作九嘆以悼屈原以已之心度屈原之心
以已之時度屈原之時相望數百歲若見其肺肝焉其辭曰出
國門而端指兮方輿倍而錫還又曰興離騷之微文兮冀靈修
之一悟還予車於南郢兮復往軌於初古向之言雖爲原而發
亦所以自道也蓋原与向皆同姓之臣國存與存國亡与亡雖
其君之昏亂勢窮蹙絕方且爲於不可爲之時言於不可言之
際瞻瞻之忠獨觀望於萬一焉是所以爲忠孝之至也世俗乃
以疎遠之義而加貴戚之臣槩以強活名之可謂不知類矣

孔光論

宛丘先生

昔者聖人所以深惡夫鄉原者何也夫天下之道君子小人而
二使是二者灼然無有蔽亂於其間不啻若白黑之易明則人
誰不欲用君子而黜小人哉惟其有冒於其間則使君子小人
之別不明而後有欲得君子而得小人欲取善而得惡者敗世
生亂往往出此且亂君子小人之別者非鄉原其誰哉於君子
小人之間包小人之實而冒君子之利者鄉原也余嘗觀漢成
哀之間舉賢孔光嗟夫光鄉原之雄也王嘉之盡忠竭節事君
不欺與夫董賢之嬖幸敗政漢之婦人孺子皆知之也哀帝怒
王嘉思有以救之光從而奏曰嘉迷國不道哀帝欲重董賢使
見光光從而厚禮之身為三公不敢以實告見君之拜臣是二
者賢者之所為歟以為賢歟則畏君之威而救賢人明知君子
之及禍而擠之說君之私而誦奉嬖幸之賤人者不廢為賢也
則夫人亦少矣必謂燕然則出之賢之者何也蓋其居之以忠

信行之似廉潔智足以欺人茲足以容身彌縫其惡使人親之也難哉常冒天下之美名而獲君子之利使元能力救三嘉之禍而深折董賢之盛哀帝未必不少晤事未必不少止相哀帝之昏愚而斷喪漢氏者非光歟智如三嘉信賢孔光鄉原之足以欺世也以此此聖人知所以深絕之也余觀西漢之俗其公卿大夫顯世之學者不耻賤事用心不修其迹或若鄙而人多可用之才越事赴功往往有成晉人之俗高簡虛公卿大夫皆足以美觀望使人尊之而臨事無實赴功無成譬如冠冕輔入以被土偶望之若可畏屋壞梁傾爛為塗泥是果何益哉或問其故張子曰天下之俗尚實貴功則人心不侈不羞賤事夫下尚名則人自尊大而無實材六國分裂諸侯並爭愚者思保家免禍賢者思越時立功以取富貴人心豈容高談於其間哉是以舉世尚實子不見六國馳說之士乎度量時君如弄嬰孩窺察成敗如觀目前皆有奇才異能後世莫及何則尚實之至

實我乃出日講月練異能乃見秦山無文人心目危劉項並多
智士交馳勇者効力辯者奮舌至於西漢六國尚質之餘習也
故西漢之俗多人才東漢之衰下微良上憤出嫉邪名譽可尊
相議成風黨與交興士不考實以名相矜當此之時舉世尚名
三國短世余習不絕雄如曹操猶問許劭賢武治平士無勤勞
故天下之人求為美觀而不究行事譬此敗梁污壁而被以綺
繡臨事輒敗不亦宜乎此則東漢尚名之餘習也或曰先王有
作則於名實何取焉張子曰先王隆實而名從之名不孤行實
著乃興先王崇之以激也勸俗故曰名譽以崇之有惡實而
有名著也或曰不幸而失則何如張子曰蓋失於實益失於名
漢以實強晉以名衰豈不明哉

孔光論

定庵先生

孔光時有所言輒前直諫以為章主之過以好忠直人巨大罪
也夫人孰無過過而能改善莫大焉成湯罪人仲虺所稱不仁

無過而曰改過不吝人主有過臣能言之聽之而改是乃顯其
聖也聽雖不改而朝有直臣亦人主之美何謂章主之過耶
光雖不希旨苟合然事或不從不敢強諫且與匡衡張禹同科
持祿保位被阿諛之譏則其當日所言決不能犯顏逆耳責難
於君也然則光之削彙非懼章主之過蓋其議論有愧於心不
欲示人亦所以自揜尔若乃忠言嘉謨惓惓納君於善以身徇
國無所畏避如唐魏鄭公陸宣公本朝范希文司馬君實等則
不必削彙自應著之簡冊垂示將來非唯足以感悟當時人主
使萬世之下治天下國家者皆可以為鑒焉其為忠直至矣光
之前葉班固無譏後世亦以為當然故有慕之者如高士廉戴
胄馬周等且以太宗之明諫諍不行言無不聽二三子亦何必
以是為忠耶

孔光至西漢

全華先生

唐明皇以涼州都督牛仙童為尚書張九齡執不可明皇怒曰

豈以仙客寒士嫌之耶。卿固素有門閥者哉。九齡頓首曰。臣荒
陳孤生陛下。過聽以文學用。臣仙客擢胥吏。目不知書。韓信淮
陰一壯夫。羞與絳灌等列。陛下必用仙客。臣實耻之。漢孔光與
董賢並爲三公。不獨無愧。哀帝欲尊寵賢。及哀帝令賢私過
光。光警戒衣冠拜謁。迎送甚謹。不敢以賓客鈞敵。帝聞之喜。立
拜光兩兄子爲諫議大夫。常侍於是。賢權與人主侔矣。使賢先
王莽以篡漢。光亦將從之也。其後哀帝晏駕。莽在散地。王氏中
微而丁傅亦已衰退。俱不得預朝廷之義。於是時光不因其幾
以擯去外戚。引用何武等。斥逐賢而立長君。漢之社稷未必中
奪也。乃拱手聽母后自用莽以代賢而立幼主。復承莽風旨以
濟其惡云。主恭爲安。漢公宰衡大事去矣。始稱疾辭位。予故曰亡
西漢者孔光也。當文帝末年。高祖舊臣如絳灌張敖已死。乃相
申屠嘉巨無可言者。猶能力言。太中大夫鄧通欲行斬之以肅
朝廷之禮。通頓首盡出血乃解。嘉亦以蹶張用而光名儒者身

爲大臣歷事三朝始則下董賢以固寵終則討王莽以致篡光
可逃萬世之誅哉九齡雖以排仙客忤明皇而罷政事然至今
大節與日月爭光甄豐爲莽腹心唱導在位褒揚功德而本非
欲莽居攝也莽羽翼已成旣遂即真乃託符命使豐爲更始將
軍與賣餅兒王盛同列豐慙懣而已小人見利忘義以苟富貴
卒以免於汚辱乃知守正徇道爲大安大樂也小人亦可懲
創矣夫

杜欽論

定庵先生

人君舉動必由至誠故天下咸悅莫敢謗議豈有謀爲不誠以
自掩其過而欺惑民聽欲止百姓之流言哉漢成帝旣殺王章
衆庶冤之杜欽乃說王鳳曰章所坐事密吏民見章素好言事
以爲不坐官職疑其以日蝕見對有所言也不如因章事舉直
言極諫使天下咸知主上聖明不以言罪下若此則流言銷釋
疑惑著明鳳白行其策嗚呼刑人於市與衆共之使章可殺當

昭示其罪今既坐直言反誣以爲不然天下亦豈肯信耶況欽
在鳳幕最爲親厚旣不能朝夕預以勸戒迨其專政太甚乃始
以爲言章之論鳳專權此社稷大計欽乃令鳳止疏祈哀由是
帝不忍廢至鳳心慙欲退又引周公事使鳳不曰疑故鳳復起
而章遂及誅然則章之死欽有力也旣死而復用此策且使天
子謀爲不誠以自揜其過而欺惑民心欽之罪惡莫與爲比前
史不識更稱其補過將美豈不謬哉靖康丙午五月旣逐諫官
御史乃六月一日下詔俾羣臣毋有所諱咸進直言此當姦邪
蔽君取欽之策而行焉士庶聞之莫不竊笑自此號令不足取
信於人遂及禍難嗟乎欽知爲鳳謀不知爲漢謀王氏之篡竇
始於鳳使班固能原欽用心痛加誅斥則後世終不敢引此以
肆其誣罔也作史者褒貶不明爲禍豈細哉

自元成以後居位大臣有可取者否 南軒先生

西漢末世風節不競居位大臣號爲有正論者不過王嘉何武

師丹耳在波蕩風靡之中誠亦可取比之光禹則甚有間矣然
西漢末年正如病者元氣先敗凡疾皆得以入之而皆得以亡
之爲當時大臣者要當力陳國勢根本之足蹶勸人主以自強
於德多求賢才以自輔庶可以扶助元氣消靡沉痾若不循其
本而姑因一事之謬一人之進而指陳之縱使一事之正一人
之去亦將有繼其後者終無益也故哀帝之末董賢雖去而王
氏即起遂以亡漢矣自成帝以來受病之痼且大者乃在王氏
如丁傅董賢之徒又特一時棄間之疾耳在位者當深以王氏
爲慮以王氏爲慮當如予所云先勸人主以自強於德自強於
德則不寡少有差失願及董氏寵董賢以重失天下之心是
益自削而增助王氏之勢耳故莽得以拱手而乘其後晉當時
論者皆不知及此也可勝歎哉

新刊 國朝二百家名賢文粹卷第九